

# Pfäffli deplorascha manca da curaschi civil

Pled d'avertura per la sessiun da december

■ (anr/fa) **Michael Pfäffli, il president dal cussegl grond, deplorascha l'indifferenza. El sa fa quitads davart l'existenza e l'agir da moviments naziunalistics, er en Svizra.** Ils eveniments actuals vegnian caracterisads d'ina atmosfera particulara, ha constatà *Michael Pfäffli* (pbd, Engiadin'Ota) cun tegnair ses pled d'avertura. Tenor el han plets da propaganda auta conjunctura: «Chaussas nunfundadas e nunraschunavlas vegnan idealisadas e tratgas a la lunga, entant che las verdads cleras e concisas vegnan il meglier cas toleradas», ha'l ditg, «e la finala tira il curaschi civil displaschavlamain la curta en cumparegliazion directa cun l'indifferenza.» Il president dal parlament grischun ha menziunà plirs exempels che mussian che ses plets na sajan betg mo in pau pessimistics.

## Senza resguardar l'elecziun da l'autra vart da l'Atlantic

Las ultimas emnas èn capitadas tenor Pfäffli en Europa «avunda chaussas dubiusas ed intolerablas che vegnan accep-

## Agir nundemocratic er en la Tirchia

Il president dal parlament grischun avess spetgà ch'ils putschists en Tirchia vegnian chastiad tenor ils principis dal stadi da dretg. «Effectivamain han ils responsabels laschè arrestar nundumbraivels Tircs che pensan autramain, abolì la libertad da pressa e relaschè derschaders e parlamentarists elegids democraticamain», ha'l ditg e menziunà era la violenza cunter in'entira gruppa etnica dal pajais.

Tuttina èn las reacziuns a l'agir da quel pajais al Bosporus tenor el mo fitg moderadas. Pfäffli sa dumonda sche quai na saja be insufficient, «mabain era nunsincer e cinic? Èsi propi adequat, sch'ins tschertga er vinavant cun la Tirchia ina soluziun consensuala e collegiala per la dumonda da fugitivs?»

## Svizra sco lieu per scuntradas da gruppaziuns naziunalistics

Pfäffli ha menziunà las diversas scuntradas da gruppaziuns cun orientaziuns



Il parsura dal cussegl grond Michael Pfäffli durant ses pled d'avertura.

FOTO M. HARTMANN

tadas memia savens». Perquai è el sapientivamain sa concentrà sin quellas e betg menziunà l'elecziun da l'autra vart da l'Atlantic e sias consequenzas pussaivlas per l'avegnir. El ha menziunà l'exempel da l'Ungaria, quest pajais europeic che veglia legitimar la xenofobia sin plaun costituziunal, «en la costituziun d'in pajais democratic che ha sez sentì, suenter la revolta da l'onn 1956, quant impurtants che protecziun e refugì èn en temps da dictatura per umans che pensan differentamain.» A l'avis dal president dal cussegl grond è quai in agir che na cuntrafetschia mo a las atgnas experientschas, mabain er al meglier savoir, «be per mantegnair l'atgna pussanza politica». Sco segund exempel ha'l menziunà la Russia che persequiteschia minoritads etnicas si la Crim annectada, bumbardeschia civilists ad Aleppo e smanatschia tranter auter ils stadis suverans dal Balticum. «E tuttina dastga la Russia realisar tar ella dal 2018 il Campiunadi mundial da ballape.» Quai ruina a Michael Pfäffli il plaschair per questa festa da sport internaziunala.

naziunalistics durant l'ultim temp en Svizra.

I possia baingea esser che questas scuntradas sajan legalas e ch'ils inscutters sajan stads quieti e civilisads, ha'l manegià, i saja però in fatg che l'ideologia che stettia davos quests inscutters saja stada il tschientaner passà responsabla per ina guerra mundiala, per il mazzament sistematic da milliuns da Gidieus, Sintis e Romas, praschuniers da guerra, persunas impedidas e blera altra gliud. «A quai stoi vegnir rendì attent cleramain, bagatellisaziuns èn deplazzadas», ha'l punctuà. Per finir ha'l menziunà era l'impurtanza dal curaschi civil en la convivenza, ch'ins observia memia savens la tendenza da guardar da l'autra vart, cur ch'i vegnia fatg dal tort ad insatgi. El ha finì ses pled cun in citat dad Albert Einstein: «Displaschavlamain è il mund savens blier memia privlus per viver sin el – betg pervi dals umans che fan dal mal, mabain pervi dals umans che stattan daspera ed als laschan far.»